

# Maman!

**Lu  
saveviso  
che...?**



... e esist une copie di une cjarte fate dai antîcs romans là che a son segnadiis lis stradis dal Imperi roman? In cheste copie, che si clame "Tabula Peutingeriana", si viodin ancje lis stradis che a traviersavin il nestri territori, Aquilee, il Timau, il Lusinç, il Tiliment. Savêso là che a son? Vêso la cjarte gjeografiche de nestre region?

Provait a cirî il paîs là che o sês a stâ e chei là che o sês stâts.

- Ma no viodistu che tu âs intor un cjalçut ros e un a riis?  
- Sì, e o 'nd ai un pâr compagn ancje te cjamare!

**RIDI  
A PLENE  
PANZE!**

**CUMÒ FÂS TU!**



Torne a cjalâ lis pontadis  
di Maman! su



Projet promovût di 'Il Friuli' e 'ARLeF'



L'ARBUL  
DI MAMAN!  
NUS CONTE...

E je une frutine tant curiose.  
Cuntun imprest in man, che cuant che lu cjale, i fâs viodi lis robis plui grandis.  
E je une lînt di ingrandiment.  
E osserve par tant temp, cul cûr zentîl e i voi atents, lis sfumaduris des fueis e lis venutis dal fros di chê jerbute che e je cressude dongje dal gno tronc.  
Po, si sente par tierie, sot de ombrene dai miei ramaçs.  
E respire, e je contente.  
Po si jeve, mi cjale e mi dîs "Maman! O torni ancje doman".

**PITURE  
CHEI TRÊ!**

Marc, Luche e Ninute a zuin a fâ il pirate, il dinosaure la fade. E tu, vuelistu fâ il pitôr? Colore il lôr dissen.



Pagine curade  
dal Sportel Regionâl  
pe Lenghe Furlane de